

Iz ornitološke bilježnice

Posmatranje bjeloglavog supa (*Gyps fulvus*) iznad Nevesinja

Watching a Griffon Vulture (*Gyps fulvus*) near Nevesinje: In the early morning of 17th May 2010, a young individual of Griffon Vulture was observed flying over the Mount Crvanj, near Nevesinje

Dana 17.05.2010. sa prijateljem Almirom Čerkezom pošao sam u potragu za bosanskim šarganom (*Vipera berus bosniensis*) na planini Crvanj iznad Nevesinja. U ranim jutarnjim satima Almir me obavijestio da je vidio ogromnu pticu kako leti iznad nas. U tom trenutku nismo pomislili da je riječ o bjeloglavom supu. Nakon približno dva sata hoda, prilikom slikanja jedne od planinskih zmija (*Coronella austriaca*) ista ptica je preletjela blizu nas. Digitalnom kamerom sa mobitela uspio sam je slikati kako bi je, poslije, pokušali determinisati. U konsultacijama sa ornitolozima Draženom Kotrošanom iz Sarajeva i Sašom Marinkovićem iz Beograda dobili smo potvrdu da se radi o mladoj jedinci bjeloglavog supa (*Gyps fulvus*). Ovo je drugi potvrđeni nalaz ove vrste u posljednjih 10 godina. Prvi nalaz je sa planine Čvrsnice [Kulijer, D., 2007: Bjeloglavi sup (*Gyps fulvus*) zabilježen iznad Čvrsnice, „Bilten Mreže posmatrača ptica u Bosni i Hercegovini“, 3(3): 53].



Slika 1. Bjeloglavi sup iznad Nevesinja
(Foto: A. Bešo)

Figure 1. Griffon Vulture over Nevesinje
(Photo: A. Bešo)

Almir Bešo,
Ornitološko društvo "Naše ptice", Semira Frašte 6, 71000 Sarajevo
naseptice@hotmail.com